



18.09.2007

Inatsisartut Suleriaasianni § 36 imm. 1 tunngavigalugulu Naalakkersuisunut apeqquteqaatinik makkunanga saqqummiussaqaarniarpunga:

Siusinaartumik utoqqalinersiutisiallit isertitaat B-t pillugit Naalakkersuisunut apeqquteqaatit.

(Inatsisartunut ilaasortaq Astrid Fleischer Rex, Demokraatit)

Tunngavigisaq:

Aningaasaqarnermut Naalakkersuisup 2008-mut Aningaasatigut Inatsisissamik saqqummiussinerminut atatillugu saqqummiuppaa siusinaartumik utoqqalinersiutisiaqartut tigusartagaasa millisneqarnissaat Naalakkersuisut kissaatigigaat, tamannalu nammineq aalajangiusimagini, kiisalu tamanna pissasoq inuit sivisunerusumik suliffiminniinnissaat anguniarlugu annertunerusumik suliniuteqarnikkut.

Utoqqalinersiuteqarnerup aaqqissuussiffigeqqinneranut atatillugu utoqqalinersiuteqartut B-nik isertitaasa ukiumut qummut killissaat 56.000,00 kr.-inut qaffanneqarpoq. Tassa imatut paasineqassaaq utoqqalinersiuteqartoq isertitanik B-nik ukiumut 56.000,00 kr.-inik isertitaqarsinnaavoq utoqqalinersiutiminik ilanngaaffigineqarani.

Akerlianilli siusinaartumik utoqqalinersiutisiaqartut taamaallaat isertitanik B-nik ukiumut kr. 28.000,00-inik utoqqalinersiutiminnik ilanngaavigineqaratik isertitaqarsinnaapput.

Qulaani pineqartut tunngavigalugit Naalakkersuisut makkunanga apeqquteqaateqarfiginiarpakka:

1. Naalakkersuisut siusinaartumik utoqqalinersiutisiaqartut tigusartagaannik appaaniarnerat taavalu isertitanik B-nik ukiumut 28.000 kr.-iutiinneqarnerat qanoq imminnut attuumassuteqarpat?
2. Siusinaartumik utoqqalinersiutinut tunngatillugu qaqugu Naalakkersuisut siunnersuummik saqqummiussaqaassamaarpat?
3. Utoqqalinersiutillit kiisalu siusinaartumik utoqqalinersiutisiallit isertitanik B-nik ukiumut isertissinnaasaasa assigiinngissuteqartumik inissinneqarnera Naalakkersuisut naapertuilluartut isigivaat?
4. Siusinaartumik utoqqalinersiuteqalersimasut utoqqalinersiutillit isertitanik B-nik annertutiginik isertitaqarsinnaalernissartik naatsorsuutigisinnaavaat, taamaalisoqassappallu Naalakkersuisut utoqqalinersiutilli pineqartut assigiimmik B-nik isertitaqalernissamut qummut killigititassaq qaqugu assigiilersinneqassanersoq naatsorsuutigaat?

Apeqquteqaatit tигuneriniit ullut suliffiusut qulit qaangiutsinnagit akissuteqarfigineqaqquneqarput.